



## **Se Maka Responsabiliza Membru PNTL Ne'ebé Komete Krime ?**

**Mahein Nia Lian Nú. 84, 28 Agustu 2014**



**Relatoriu Fundasaun Mahein Nia Lian ne'e suporta husi povu Amerikanu liu husi Ajénsia Estadus Unidus ba Dezenvolvimentu Internasional (USAID) no Embaxada Finlandia iha Jakarta.**

**Vizaun husi autor sira ne'ebé expresa iha públikasaun relatoriu sira ne'e la reprezenta vizaun husi Ajénsia Estadus Unidus ba Dezenvolvimentu Internasional (USAID) no Embaxada Finlandia.**



**Website: [www.fundasaunmahein.org](http://www.fundasaunmahein.org)**

## Konteudu Sira



<b>Konteudu sira</b>	<b>2</b>
<b>Introdusaun</b>	<b>3</b>
<b>Metodolojia</b>	<b>4</b>
<b>Responsabilidade Institucional PNTL</b>	<b>4</b>
<b>Responsabilidade Advokasia</b>	<b>6</b>
<b>Konkluzau</b>	<b>9</b>
<b>FM nia Rekomendasaun</b>	<b>9</b>
<b>Bibliografia</b>	<b>10</b>



## I. Introdusaun

Polisia Nasional Timor-Leste (PNTL) nia regulamentu disiplinár sai hanesan konjuntu sistematizadu kona-bá regra no prinsipiu hodi halao kna'ar tuir lei no hatudu empeñu iha formasaun hodi garantia kona-bá profesionalizasaun no naran diak instituisaun nian, tuir mekanismu disiplinár internu Departamentu Justisa PNTL nian.<sup>1</sup>

Iha enkuadramentu jurídiku instituisaun PNTL nian progresu balun halo ona no hadi'a responsabilizasaun elementu PNTL sira ne'ebé komete krime, liu husi mekanismu disiplinár internu. Maibe kestaun profesionalizmu, imparcialidade, uza forsa ne'ebé apropriadu no uza ekipamentu siguransa la ho responsabilidade sai nafatin preokupasaun públiku. Iha fatin balu, elementu PNTL sira hala'o sira nia obrigasaun no kompeténsia la imparsiál, uza forsa durante atuasaun inklui balun uza ekipamentu siguransa nian la tuir regras ne'ebé lei haruka.<sup>2</sup>

Faktus balun kona-bá hahalok elementu PNTL komete krime iha tinan 2014 kontinua sai preokupasaun publiku hanesan kazu konkritu elementu Polisia Nasional Timor-Leste (PNTL) husi Unidade Especial Polisia (UEP), sub-Unidade Batallaun Ordem Publiku (BOP), iha Terminal Tasi Tolu baku vitima Bosco Lobato to'o grave no haris ran. Asidenti ne'e akontese wainhira membru polisia Js hamutuk ho nia kolega BOP ida hatais sivil ba fatin konfliktu rai entre rai nain Antonio Lobato Mira Mar ho okupantes sira.<sup>3</sup>

Hetok pior liu tan wainhira mosu kazu ataka malu entre membru PNTL rasik husi unidade rua ne'ebé maka tuir lolos sai ezemplu ba comunidade atu hametin lei no orden. Situasaun ida ne'e Fundasaun Mahein (FM) konsidera grave tanba tuir lolos PNTL maka sai ezemplu no mata dalan hodi hametin lei no orden ba comunidade sai fali preman hodi ataka malu iha estrada publiku.

FM nia relatoriu ida ne'e hakarak hare'e kauza infrasaun disiplinár PNTL ne'ebé akontese durante ne'e no nia responsabilidade institucional iha ne'ebé husi tinan ba tinan frekuensia krime nunca mais to'o rohan; katak pratika hahalok violensia ne'ebé mosu susar atu halakon no kontinua buras tanba implementasaun lei no sansaun ladun forte hodi responde ba violensia no krime ne'ebé akontese.

---

<sup>1</sup> República Democrática de Timor-Leste; (2004); Ministério do Interior; Decreto-Lei No. 13/2004 - 16 de Junho de 2004; Regulamento Disciplinário ba Polícia Nacional de Timor-Leste (PNTL)

<sup>2</sup> Relatoriu Asosiasaun HAK. Relatoriu Diretus Humanus 2013; Haforsa Lei Hodi Hametin Estado De Diretu No Demokratika. pdf, pajina

<sup>3</sup> May/Ina. (2014, Maiu, 08). Membru BOP Baku Bosco Lobato To'o Grave " Armando: "Membru PNTL Ne'e Komete Ona Krime. Jornal Diariu Nacional.<http://www.jndiario.com/2014/05/08/membru-bop-baku-bosco-lobato-too-gravida-armando-membru-pntl-nee-komete-ona-krime/>

## II. Metodolojia

Metodolojia ne'ebé FM uza hodi hakerek relatoriu ne'e liu husi rekolla informasaun no literatura bazeia ba públikasaun media nasional no entrevista ba fontes importante sira ne'ebé iha relasaun ho asuntu iha relatoriu ida ne'e. Nune'e mos ho metodu diskusaun iha nivel ekipa FM ho naran *Security Sector Discussion – SSD* inklui rezultadu monitorizasaun FM nian kona-bá aktu krime ne'ebé membru PNTL komete durante ne'e.

## III. Responsabilidade Institucional PNTL

### a. Departamentu Justisa

Departamentu Justisa nu'udar departamentu ida iha instituisaun PNTL ne'ebé ninia kompetensia no misaun tau matan asuntu sira iha relasaun ho justisa no kestaun dixiplinár inklui hala'o investigasaun ba kazu sira ho natureza dixiplinár ne'ebé grave, no mos kazu ne'ebé iha potencialidade hafoer imajen institusionál PNTL.<sup>4</sup> Iha ne'ebé garante iha Lei Organiku PNTL kona-bá kna'ar Departamentu Justisa PNTL atu fasilita no fo apoiu jurídku ne'ebé direktamente ligasaun ho Komandu PNTL.<sup>5</sup>

Nu'udar emenda ona iha Lei Organiku PNTL nian, Departamentu Justisa durante ne'e halo ona esforsu barak hodi apoiu jurídku ba instituisaun polisial. Liu-liu halo estudu no prosesu kazu infrasaun disiplinar ne'ebé membru polisial komete hodi haruka ba Komandu PNTL hodi foti desizaun.<sup>6</sup> Iha ne'ebé hahu periodu 2009 to'o ohin loron 2014 Departamentu Justisa PNTL rejista ona kazu barak kona-bá infrasaun disiplinar no fo ona sansaun ba membru balun ne'ebé identifika kazu todan.<sup>7</sup>

Ida ne'e justifika liu husi desizaun Konsellu Superior Komandu Superior PNTL ne'ebé durante tinan 2014 aplika ona sasaun disiplinar ba membru polisial balun. Iha ne'ebé esforsu masimu husi Departamentu Justisa hodi prosesu kazu sira tuir despaisu Komandu PNTL nian.<sup>8</sup> Liu husi esforsu no serbisu maka'as Departamentu Justisa PNTL nian konsege dudu Komandu PNTL hodi foti desizaun demisaun ba membru hamutuk 28, konta husi 2009 to'o ohin loron.<sup>9</sup>

Hare'e husi impaktu serbisu Departamentu Justisa ne'ebé relata iha leten prezisa ita louva no respeitu ba esforsu hirak ne'e. Maibe, tuir Fundasaun Mahein nia monitorizasaun katak

Departamentu Justisa sei hetan obstaklu boot iha rekursu umanu hodi prosesu kazu ho lalais no rekomenda ba Komandu PNTL atu foti desizaun sasaun disiplinar. Faktus maka kazu

<sup>4</sup> Lopes, Isac. (2014. 19 Maiu). Departamentu Justisa. - Policia Nacional de Timor-Leste. <http://www.pntl.tl/dep-justisa-2/>

<sup>5</sup> RDTL. (2009, Febreiru 18). Departamentu Justia. Artigu 24. Lei Organiku PNTL.pdf.p11.

<sup>6</sup> May. (2014, Janeiru 28). Komando PNTL Sei Demite Membru Nebe La Disiplina. Media Diariu Nasional. <http://www.jndiario.com/2014/01/28/komando-pntl-sei-demite-membru-nebe-la-disiplina/>

<sup>7</sup> Jeronimo, Carlos. (2014, Agostu 07) Xefi Departamentu Justisa PNTL. Entrevista Pesoal

<sup>8</sup> May. (2014, Maiu 06). Konsellu Superior PNTL Demite Membrus Nain 8. Media Diariu Nasional. <http://www.jndiario.com/2014/05/06/konsellu-superior-pntl-demite-membrus-nain-8/>

<sup>9</sup> Jeronimo, Carlos. (2014, Agostu 07) Xefi Departamentu Justisa PNTL. Entrevista Pesoal

membru BOP baku komidade iha Tasi-Tolu besik ona fulan haat maibe seidak remata ninia prosesu juridiku. Inklui mos kazu ataka malu entre membru BOP ho Task Force iha Eskuadra Comoro ne'ebé to'o ohin lora seidak iha prosesu investigasaun.<sup>10</sup>

FM nia hare ida ne'e prezisa hetan atensaun husi instituisaun PNTL tanba bele fo biban ba membru PNTL atu komete krime relasiona ho prosesu investigasaun no prosesu kazu ne'ebé tarde no kleur. Tanba husu Governu atu kontinua fortifika rekursu umanu iha Departamentu Justisa ho apoiu facilidade atu nune'e bele hala'o ninia funsaun ho diak tuir lei Organiku PNTL haruka.

### **b. Serbisu Investigasaun Kriminal (SIK)**

Tuir Lei Organika PNTL nian SIKN nia mandatu maka hala'o investigasaun no prevensaun krime inklui halao mos instrusaun husi autoridade judicial hodi kompleta provas, deklarasaun, kuiñesementu inklui rekola evidensia sira tuir sistema polisial nian. Investiga no hala'o instrusaun hodi prepara prosesu hirak ne'ebé iha relasaun ho krime ne'ebé komún.<sup>11</sup>

Husi kompetensia no mandatu lei Organiku PNTL ne'ebé emenda ba SIK konsege hatudu sinal pozitivu hodi halo serbisu investigasaun ba kazu kriminal ne'ebé membru polisial komete. Esforsu hirak ne'e la'os mehi deit maibe hatudu iha pratika ne'ebé iha tinan 2013 SIK konsege aprosima kazu hamutuk iha 1.169 ho tipu oi-oin. Maka hanesan, kazu ofensas integridade física simples maka hanesan, baku ema, asaltu, violénsia doméstika no seluk tan. Husi total kazu, barak liu maka kazu ofensas integridade física simples hamutuk iha 467.<sup>12</sup>

Relasiona ho rezultadu serbisu ne'ebé SIK halo hodi aprosima kazu hirak ne'e nu'udar komitmentu pozitivu ida atu hadi'a no hametin profesionalizmu instituisaun PNTL. Maibe, kazu balun kontinua pendiente no ninia prosesu kleur relasiona ho rekuru umanu instituisaun nian. Iha ne'ebé prosesu balun to'o ohin lora sei sai perguntas boot ba komidade. Kazu konkretu maka rezultadu husi prosesu investigasaun ba membru PNTL distritu Bobonaro ne'ebé tiru mate Leão Gama to'o agora familia vitima seidak iha informasaun ne'ebé klaru.<sup>13</sup>

Nune'e mos kazu agresaun fizika membru Unidade Especial Polisia – UEP husi Sub Unidade BOP, Ajenti Xefi Jose Mesquita ne'ebé baku Bosco da Conceição Lobato iha Tasi Tolu sei

---

<sup>10</sup> Sequera, Jacinta. (2014, Agostu 07). Departamentu Justisa PNTL Notifika Ona Kazu PNTL Iha Eskuadra Comoro. Media STL. <http://suara-timor-lorosae.com/departamentu-justisa-pntl-notifika-ona-kazu-pntl-ih-eskuadra-comoro/>

<sup>11</sup> RDTL . (2009, Febreiru 18). Servisu Investigasaun Kriminal Artigu 35. Lei Organika PNTL.p14.

<sup>12</sup> Revista PNTL. (2014. Marsu-Abril). Polisia nasional Timor-Leste (Ita Nia polisia); pajina 6

<sup>13</sup> Suara Timor Lorosa'e. (2014. 14 Janeiru). Kazu PNTL Tiru Mate Ema Iha Bobonaro, Calistro: Nia Prosesu Tama Ona Iha Investigasaun. <http://jornal.suara-timor-lorosae.com/kazu-pntl-tiru-mate-ema-ih-bobonaro-calistro-nia-prosesu-tama-ona-ih-investigasaun/>

pendente maske hatama ona kazu ba Komandu PNTL. Iha ne'ebé besik fulan 4 ona kazu ne'e rasik nia rezultadu investigasaun final ba prosesu ne'e publiku seidauk hatene.<sup>14</sup>

Hare'e husi faktu ba prosesu investigasaun hirak ne'ebé relata iha leten, FM senti preokupa tanba bele fo oportunidade ba membru PNTL seluk hodi kontinua komete krime relasiona ho SIK ninia serbisu investigasaun ne'ebé ladun efetivu. No, ida ne'e bele estraga prestijiu instituisaun PNTL nian iha komidade no mundu internasional.

## **VI. Responsabilidade Advokasia**

### **a. Provedor Diretus Humanus e Justiza - PDHJ**

Provedór Direitus Umanus no Justiza - PDHJ nu'udar órgaun independente ida ne'ebé iha kna'ar atu hare'e no buka hatán sidadaun sira nia problema hasoru poder públiku hanesan PNTL, F-FDTL, professor, funsionariu publiku, no guarda prizaun.<sup>15</sup> Iha ne'ebé tuir Lei nú. 7/2004, kona-bá Estatutu PDHJ maka atu Promove no Proteze Diretus Humanus no Promove Boa Governasaun.<sup>16</sup>

Nu'udar institusaun Estadu ne'ebé independente hodi tau matan ba violasaun Diretus Umanus durante ne'e hatudu ona ninia vontade balun hodi hametin no haburas Diretus Umanus iha Timor-Leste. Iha ne'ebé durante tinan 2013 PDHJ simu keixa hamutuk 242 kazu ne'ebé komidade hato'o relasiona ho violasaun Diretus Umanus ne'ebé involve direta husi membru instituisaun Estadu nian.<sup>17</sup>

Husi kazu hirak ne'e maioria komete husi membru PNTL kompara ho instituisaun Estadu seluk hanesan F-FDTL, Funsionariu Públiku, Profesores no seluk tan. Iha ne'ebé PNTL ho total kazu hamutuk 49, F-FDTL hamutuk 6, funsionariu publiku kazu 4 no profesores kazu 5.<sup>18</sup> Husi kazu hirak ne'e PDHJ halo ona investigasaun hodi rekomenda ba PNTL kona-bá kazu infrasaun disiplinar. No, kazu krime PDHJ rekomenda ba Ministériu Públiku atu halo prosesu justiza ba iha tribunal.<sup>19</sup>

Maibe, tuir FM nia monitorizasaun hatudu katak erru ne'ebé PDHJ komete maka laiha kontinuasaun *cross check* ba rekomendasaun sira husi keixa ne'ebé hato'o ba Komandu PNTL

---

<sup>14</sup> Ferreira, Sonia /Mikael M. Mau. (2014. 16 Maiu). Kazu Oknum Polisia Baku Bosco Lobato, Familia Husu Komando PNTL Hasai Nia Membru Bandidu. <http://jornal.suara-timor-lorosae.com/kazu-oknum-polisia-baku-bosco-lobato-familia-husu-komando-pntl-hasai-nia-membru-bandidu/>

<sup>15</sup> Pinto, Silveiro Baptista. (2014, Febreiro 12). Adjunto Provedor Diretus Humanus e Justiza (PDHJ). Entrevista pesoal

<sup>16</sup> PDHJ. (2010). Dezenvolvimentu Diretus Umanus 2010. Relatório Anual PDHJ 2010.pdf.p4.

<sup>17</sup> Max. (2014, Janeiro 24). Membru PNTL Barak Komete Violaasaun Diretus Umanus. Media Timor Post. <http://www.diariutimorpost.tl/berita-856-membru-pntl-barak-komete-violasaun-diretus-umanus.html>

<sup>18</sup> Gomes, Domingas. ( 2014. 23 Janeiro). Violaasaun Direitus Humanus, Maoria Kazu PNTL Nian. Suara Timor Lorosa'e. <http://jornal.suara-timor-lorosae.com/violaasaun-direitus-humanus-maoria-kazu-pntl-nian/>

<sup>19</sup> Pinto, Silveiro Baptista. (2014, Febreiro 12). Adjunto Provedor Diretus Humanus e Justiza (PDHJ). Entrevista pesoal

relasiona ho kazu infrasaun disiplinar ne'ebé membru polisial komete. Nune'e mos laiha *follow up* rigrozu ba rekomendasaun kazu krime ne'ebé membru PNTL komete ba Ministériu Públiku nu'udar failansu boot husi PDHJ durante ne'e.<sup>20</sup>

Tanba ne'e, FM husu PDHJ presiza halo monitoriza rigorozu ba rekomendasaun sira ne'ebé hato'o ba Komandu PNTL no Ministériu Públiku ne'ebé iha relasaun ho kazu infrasaun disiplinar no kazu krime ne'ebé involve husi membru PNTL. Nu'udar parte ida atu hametin serbisu advokasi PDHJ ba violasaun Diretus Umanus ne'ebé komete husi membru PNTL.

### **c. Parlamentu Nasional (PN) – Komisaun B**

Durante ne'e PN Komisaun B ne'ebé trata asuntu Siguransa no Defeza nian dala barak mos simu keixa barak husi comunidade kona-bá aktu hahalok premanizmu husi elementu siguransa nian. Fatór ida ne'ebé lori comunidade hato'o keixa ba PN tanba públiku lakon fiar ba instituisaun PNTL rasik. Relasiona ho atuasaun elementu instituisaun PNTL ne'ebé dala balu involve direta iha kazu krime.<sup>21</sup>

Relasiona ho keixa sira husi públiku relasiona atuasaun brutal husi membru PNTL hasoru comunidade halo membru PN Komisaun B dala-barak run-nehán hodi kritika maka'as Komandu PNTL atu hadi'a disiplina membru PNTL nian.<sup>22</sup> Hanesan familia matebian Leão Gama hato'o keixa ba PN Komisaun B tanba prosesu otopsia ba mate-isin ne'ebé kleur tebes. Hafoin hetan tiru husi membru PNTL Eskuadra Bobonaro.<sup>23</sup> Nune'e mos vitima Odete Varela ne'ebé hato'o keixa ba PN Komisaun B tanba hetan baku husi membru PNTL Eskuarda Baucau.<sup>24</sup>

Hare husi referensia kazu rua iha leten ne'ebé comunidade lori ba PN Komisaun B ho ninia sintidu atu bele hetan advokasia ba sira nia problema refere. Hodi bele hetan justisa ida los ba sira nia kazu. Maibe realidade hatudu katak comunidade nia kazu sai fali instrumentu polítika ba membru PN Komisaun B iha plenaria. Laiha asaun konkretu ruma husi PN Komisaun B nu'udar orgaun Estadu ne'ebé representante povu hodi bolu Komandu Jeral PNTL atu klarifika ba públiku iha plenaria.

---

<sup>20</sup> Rezultadu análise husi ekipa Fundasaun Mahein liu husi Security Sector Discussion – SSD.

<sup>21</sup> Fundasaun Mahein. (2014, Marsu 20). Dalan Ne'ebé Seguru no Los Hodi Hato'o Keixa. Mahein Nia Lian Nú. 73.p4. [http://www.fundasaunmahein.org/wp-content/uploads/2014/03/MNL\\_Nu.73\\_20032014\\_DALAN.pdf](http://www.fundasaunmahein.org/wp-content/uploads/2014/03/MNL_Nu.73_20032014_DALAN.pdf)

<sup>22</sup> Ximenes, Carmen & Sanches, Tomas. (2014, Maiu 14). Knar Polisia Proteje Laos HakaneK Povu, Demite Polisia Preman. Media STL. <http://jornal.suara-timor-lorosae.com/knar-polisia-proteje-laos-hakaneK-povu-demite-polisia-preman/>

<sup>23</sup> Alm, Ina. (2014, Janeiro 09). Mate ho Kilat Musan, Familia Keixa Ba Parlamentu Nasional. Media Diariu Nasional. Bele asesu iha ne'e <http://www.jndiario.com/2014/01/09/mate-ho-kilatmusan-familia-keixa-ba-pn/>

<sup>24</sup> Da Silva, Domingos. (2011, Agostu 26). PNTL Halo Torturasaun ba Ajente PNTL Nunu de Deus nia fen. <http://www.cjilt.org/cjilttimor-today/cjilt-flash/725-pntl-halo-torturasaun-ba-ajentepntl-nunu-de-deus-nia-fen/>

Ida ne'e hatudu katak laiha seriadade husi PN Komisaun B hodi halo advokasia ba problema komunidadade tuir kompetensia nu'udar orgaun fiskalizador no lejlzador. Fundasaun Mahein husu ba PN Komisaun B atu monitoriza mos kazu sira ne'ebé involve husi membru PNTL hodi rekomenda ba Komandu PNTL no Ministeriu Públiku atu prosesa lalais kazu refere. Tanba, dala-barak kazu ne'ebé involve membru PNTL ninia prosesu lao neneik iha instituisaun PNTL nian.<sup>25</sup>

#### **d. Sosiedade Sivil**

Organisasaun Sosiedade Sivil ne'ebé maka durante ne'e halo adovokasia iha rai laran mos dala barak hetan keixa husi komunidadade relasiona ho violasaun Diretus Umanus ne'ebé komete husi membru PNTL sira. Liu-liu ONG ne'e luta ba Diretus Umanus senti preokupa ba hahalok militeristiku PNTL nian. Tanba dala-barak hetan keixa husi komunidadade sira ne'ebé hetan baku no tortura husi membru polisia sira.

Relatoriu Asosiasaun HAK husi periodu Feveiruru to'o Abril konsege rejista kazu hamutuk 24 husi autoridade lokal ne'ebé identifika involvimentu membru polisial sira. Hanesan iha Distritu Baucau no Dili, Xefi suku sira lamenta ho atuasaun membru PNTL ne'ebé halo komunidadade barak sai vitima.<sup>26</sup> Nune'e mos kazu torturasaun husi Komandu Operasaun Konjunta – KOK hasoru komunidadade inosente durante implementasaun Operasaun Habelun iha Distritu Baucau foin lalais ne'e.<sup>27</sup>

Fundasaun Mahein rekuiñese papel sosiedade sivil importante atu halo kontrolu sosial maibe iha kazu barak ne'ebé maka sosiedade sivil simu prosesamentu kazu hirak ne'e laiha nia finalidade; wainhira vitima sira ba hato'o keixa iha ONG sira. Maske hahu ona esforsu balun hodi buka lori vitima sira ba instituisaun kompetente hanesan PDHJ no PNTL. Iha ne'ebé sai mos dezafiu ida ba serbisu advokasia sosiadade sivil nia durante ne'e.

Relasiona ho rekursu umanu no fasilidade ne'ebé menus NGO sira labele fiskaliza efetivu ba kazu sira ne'ebé rekomenda ba instituisaun kompetente sira. Ikus mai sai mos kritika boot ida ba kna'ar sosiedade sivil ne'ebé ninia serbisu barak liu halo advokasia ba komunidadade. FM nia hanoin katak sosiedade sivil tenki hahu ho komitmentu hodi kontinua monitoriza kazu ne'ebé sosiadade sivil rekomenda ba instituisaun PNTL no PDHJ atu nune'e bele aslera lalais kazu refere.

---

<sup>25</sup> TS. (2011, Febreiru 22). Deskonfia PNTL Proteze Ninia Membru, Ligia Hulan Keixa ba Parlamentu. <http://temposemanaltimor.blogspot.com/2011/02/deskonfia-pntl-proteze-niniamembru.html>

<sup>26</sup> Relatoriu Asosisasaun HAK. (2014). Faktus Situasaun Diretus Humanus.

<sup>27</sup> Fundasaun Mahein. 2014. 26 Juñu) Operasaun Habelun; Reintegra kah Ameasa; Mahein Nia Lian 80; [http://www.fundasaunmahein.org/wp-content/uploads/2014/06/MNL\\_Nu.80\\_26062014\\_Operasaunpdf1.pdf](http://www.fundasaunmahein.org/wp-content/uploads/2014/06/MNL_Nu.80_26062014_Operasaunpdf1.pdf)





## Konkluzan

Dezenvolvimentu instituisaun PNTL no profesionalizmu membru polísial sei kontinua sai preokupasaun públiku iha sosiedade Timor-Leste, hahu husi establesementu to'o ohin loron. Frekuensi aktu membru PNTL ne'ebé indisciplinadu no involvimentu krime ne'ebé to'o ohin loron laiha rohan no ninin nu'udar pontu fraku ida husi funksionamentu Departementu Justisa no Serbisu Investigasaun Kriminal. Menus rekursu umanu no kapasidade investigasaun no análise kazu no keixa sira ne'ebé tama nu'udar obstaklu boot ba instituisaun PNTL atu asilera lalais kazu membru PNTL sira ne'ebé komete krime.

Nune'e mos kestaun advokasia ne'ebé farku husi instituisaun Governu hanesan PDHJ, PN Komisaun B nu'udar orgaun Estadu, Igreja no Akademiku inklui mos Sosiadade Sivil sira sai mos dezafiu ida atu haburas Diretus Umanus iha Timor-Leste, no kontribui ba dezenvolvimentu instituisaun PNTL. Dala-barak simu keixa husi comunidade kona-bá kazu kirme ne'ebé involve membru PNTL maibe laiha ninia finalidadade, tanba laiha seriedade hodi *follow up* ba kazu hirak ne'ebé rekomenda ona ba instituisaun relevante, partikularmente ba Komandu Jeral PNTL hodi halo presesu investigasaun.

## FM nia Rekomendasaun

1. Rekomenda ba Governu atu fortifika rekursu umanu iha instituisaun PNTL, partikularmente Departementu Justisa no SIKN atu nune'e bele asilera lalais kazu krime ne'ebé membru PNTL komete. Atu nune'e bele minimiza aktu premanizmu membru polísial inklui mos bele hadi'a prestiju instituisaun PNTL nian.
2. Rekomenda ba PDHJ, PN Komisaun B no Sosiadade Sivil sira ne'ebé luta ba Diretus Umanus atu kontinua halo monitorizasaun no advokasia rigrozu ba rekomendasaun sira kona-bá kazu krime ne'ebé involve membru polísial sira ba Komandu PNTL no Ministériu Públiku atu nune'e bele aslera lalais kazu hirak ne'e.

## Bibliografia

- Alm. (2013, Outobru 16). Mateus Iha Prizaun, Familia Husu Investiga. Media Diariu Nasional. <http://www.jndiario.com/2013/10/16/mateus-iha-prizaun-familia-husuinvestiga/>
- Alm, Ina. (2014, Janeiro 09). Mate ho Kilat Musan, Familia Keixa Ba Parlamentu Nasional. Media Diariu Nasional. Bele asesu iha ne'e <http://www.jndiario.com/2014/01/09/mate-ho-kilatmusan-familia-keixa-ba-pn/>
- Carlos, Jeronimo. (2014, Agostu 07) Xefi Departamentu Justisa PNTL. Entrevista Pesoad
- Da Silva, Domingos. (2011, Agostu 26). PNTL Halo Torturasaun ba Ajente PNTL Nunu de Deus nia fen. <http://www.cjilt.org/cjiltimor-today/cjilt-flash/725-pntl-halo-torturasaun-ba-ajentepntl-nunu-de-deus-nia-fen/>
- Diariu Nasional. 2014, 6 Febreiru. Ho Farda PNTL Baku Komunidade; Salustianu fo Rajaun Defende An.
- Diariu Nasional. <http://www.jndiario.com/2014/01/09/mate-ho-kilatmusan-familia-keixa-ba-pn/>
- Dekretu-Lei Nú 09/2009. (18 febreiru); Artigu 35. Lei Organika Polisia Nasional Timor-Leste (PNTL)
- Ferreira, Sonia /Mikael M. Mau. (2014. 16 Maiu). Kazu Oknum Polisia Baku Bosco Lobato, Familia Husu Komando PNTL Hasai Nia Membru Bandidu. <http://jornal.suara-timor-lorosae.com/kazu-oknum-polisia-baku-bosco-lobato-familia-husu-komando-pntl-hasai-nia-membru-bandidu/>
- Fundasaun Mahein. 2014. 26 Juñu) Operasaun Habelun; Reintegra kah Ameasa; Mahein Nia Lian 80; [http://www.fundasaunmahein.org/wp-content/uploads/2014/06/MNL\\_Nu.80\\_26062014\\_Operasaunpdf1.pdf](http://www.fundasaunmahein.org/wp-content/uploads/2014/06/MNL_Nu.80_26062014_Operasaunpdf1.pdf)
- Fundasaun Mahein. (2014). Komunidade Keixa iha FM
- Gomes, Domingas. ( 2014. 23 Janeiro). Violasaun Direitus Humanus, Maoria Kazu PNTL Nian. Suara Timor Lorosa'e. <http://jornal.suara-timor-lorosae.com/violasaun-direitus-humanus-maoria-kazu-pntl-nian/>
- Fundasaun Mahein. (2014. Marsu,20). Dalan Ne'ebé Seguru no Los Hodi Hato'o Keixa. Mahein Nia Lian Nú. 73.p4. [http://www.fundasaunmahein.org/wp-content/uploads/2014/03/MNL\\_Nu.73\\_20032014\\_DALAN.pdf](http://www.fundasaunmahein.org/wp-content/uploads/2014/03/MNL_Nu.73_20032014_DALAN.pdf)
- Jeronimo, Carlos. (2014, Agostu 07) Xefi Departamentu Justisa PNTL. Entrevista Pesoad
- Lopes, Isac. (2014. 19 Maiu). Departamentu Justisa. - Policia Nacional de Timor-Leste.

<http://www.pntl.tl/dep-justisa-2/>

May/Ina. (2014, 08 Maiu). Membru BOP Baku Bosco Lobato To'o Grave " Armando: "Membru PNTL Ne'e Komete Ona Krime." <http://www.jndiario.com/2014/05/08/membru-bop-baku-bosco-lobato-too-gravida-armando-membru-pntl-nee-komete-ona-krime/>

May. (2014, 19 febreiru); Diariu Nasional. Tribunal Liberta Suspeitu Kazu Balibo

Pintu, Silveiru Batista. 2014. 12.02. Adjunto Provedor Diretus Humanus e Justiza (PDHJ).  
Entervista pesoal

Relatoriu Asosiasaun HAK. Relatoriu Diretus Humanus 2013; Haforsa Lei Hodi Hametin Estadu  
De Diretu No Demokratika

Revista PNTL. (2014. Marsu-Abril). Polisia nasional Timor-Leste (Ita Nia polisia); pajina 6

Relatoriu Asosisasaun HAK. (2014). Faktus Situasaun Diretus Humanus

República Democrática de Timor-Leste; (2004); Ministério do Interior; Decreto-Lei No. 13/2004 -  
16 de Junho de 2004; Regulamento Disciplinário ba Polícia Nacional de Timor-Leste  
(PNTL)

Rezultadu análiza husi ekipa Fundasaun Mahein liu husi Security Sector Discussion – SSD

Suara Timor Lorosa'e. (2014. 14 Janeiru). Kazu PNTL Tiru Mate Ema Iha Bobonaro, Calistro:  
Nia Prosesu Tama Ona Iha Investigasaun. <http://jornal.suara-timor-lorosae.com/kazu-pntl-tiru-mate-ema-iha-bobonaro-calistro-nia-prosesu-tama-ona-iha-investigasaun/>

Tempo Semanal. (2011, Febreiru 22). Deskonfia PNTL Proteze Ninia Membru, Ligia Hulan  
Keixa ba Parlamentu. <http://temposemanaltimor.blogspot.com/2011/02/deskonfia-pntl-proteze-niniamembru.html>

Ximenes, Carmen & Sanches, Tomas. (2014, Maiu 14). Knar Polisia Proteje Laos Hakanek  
Povu, Demite Polisia Preman. Media STL. <http://jornal.suara-timor-lorosae.com/knar-polisia-proteje-laos-hakanek-povu-demite-polisia-preman/>.